


# Kitab Suci Bocah

## nyuguhaké



## Wong Geni



Ditulis déning: Edward Hughes

Digambari déning: Lazarus  
Alastair Paterson


Dibesut déning: E. Frischbutter

Diterjemahaké déning: Maryudha


Diproduksi déning: Bible for Children  
[www.M1914.org](http://www.M1914.org)

©2023 Bible for Children, Inc.  
Kowé duwé hak motokopi utawa nyithak crita iki,  
waton ora kanggo diedol.

Kabeh katon ala kanggo Israèl. Raja lan ratu padha  
sengit marang Gusti Allah. Tuladha sing ora apik!  
Suwe-suwe, wong-wong uga sengit marang Gusti Allah  
lan nyembah allah palsu. Apa ana wong sing tresna  
marang  
Gusti  
Allah?



Ya, ana sawetara wong sing setya. Ing sawijining dina, Gusti Allah ngandika marang salah sijining wong-wong mau, jenenge Elia.



3

Nabi Elia kandha marang Raja Akhab sing jahat, "Marga saka Pangéran, Allahe Israèl sing urip, ing taun-taun iki ora bakal ana embun utawa udan, kajaba saka pangandikanku." Iki tegese pailan! Gusti Allah ora nglilani umate Israèl terus nglakoni piala.



4



Sakwise ngelingke marang raja, Gusti Allah ngutus Elia menyang panggonan

sing sepi ing negara kono. Ing kono, ing pinggir kali, Elia ngenteni. Gusti Allah ngutus manuk gagak kanggo menehi mangan. Padha nggawa roti lan daging, esuk lan sore. Lan nabi Elia ngombe saka kali.

5

Ora let suwe kaline asat, merga tanah kono ora ana

udan. Sabdane Gusti Allah kelakon. Kabeh negara padha kekurangan banyu. Tetanduran ora tuuh. Wong-wong padha luwe. Elia mikir apa sing bakal kelakon karo dhèwèké sakwise ora ana banyu.

6



7


"Aku njaluk banyu sathithik ing tuwung," pitakone nabi Elia marang wong wadon mau. "Aku uga wenehana roti sithik." "Kula mboten gadhah roti," wangslane randha. "Mung sakepel glepung teng tong lan lenga sekedhik teng guci."



Sedhihe, wong wadon mau ngandhani marang nabi yen panganane kari iki, dhèwèké lan putrane bakal mati kalireh.

8

"Aja wedi. Gawe roti cilik dhisik, banjur gawe kanggo kowé lan anakmu," ujare nabi Elia. "Glepung lan lenga ora bakal entek nganti tumeka ing dinane PANGERAN YEHUWAH nekakake udan ing bumi." Gusti Allah kudu nggawe mukijat supaya bisa kelakon. Bener tenan! Wong wadon lan anake mangan nganti pirang-pirang dina, nanging glepung ing tong ora entek-entek, semana uga lenga ing guci.




9

Elia manggon karo keluarga mau. Ing sawijining dina ana kedadeyan sing sedhih. Anake randha mati. Elia ngusung layone bocah mau menyang kamar ndhuwur.


Dhèwèké sesambat marang

PANGERAN  
YEHUWAH: "Dhuh  
PANGERAN  
YEHUWAH, Gusti  
Allah kawula, mugi  
karsaa ngluwari  
nyawanipun lare  
punika." Pandonga  
sing ora mungkin!




10

PANGERAN YEHUWAH mireng dongane nabi Elia, nyawa bocah kuwi mbalik meneh, dhèwèké urip maneh. Banjur nabi Elia ngangkat bocah mau lan diparingake marang ibune, banjur ibune ngandika: "Saiki aku ngerti yen pangandikane PANGERAN YEHUWAH sing ana ing tutuk panjenengan niku bener."



11

Telung taun sawise, Gusti Allah ngutus Elia bali marang Sang Raja, ngomong, "Aku bakal ngirim udan ing bumi."



12

Lungaa menyang Akhab? Bojone Izebel wis mateni satus nabine Gusti Allah. Nanging Elia manut. Dhèwèké sowan marang ngarsane raja Akhab.



13

Wektu wong loro kuwi ketemu, Elia nantang Akhab kanggo nglumpukke kabeh Israél lan 850 nabi palsu. Ing panggonan sing disebut Gunung Karmel, Elia ngandika marang wong-wong mau. "Yen PANGERAN YEHUWAH iku Gusti Allah, manuta marang Panjenengané."



14

Elia nyawisake sapi lanang loro kanggo kurban. Nanging ora ana geni kanggo ngobong. "Kowé padha nyebuta jenenge allahmu, lan aku bakal nyebut asmane PANGERAN YEHUWAH," kandhane. "Yen Gusti Allah sing isa mangsuli nganggo geni, Panjenengané iku menthi Gusti Allah." Wong-wong padha mangsuli, "Iku ngandika sing apik."



15

Wiwit esuk nganti sore para nabi palsu padha nyebut allah-allah. Padha mlumpat lan njoget lan ngiris awake nganggo lading nganti getihe. Nanging ora ana geni sing teka.



16

Nabi Elia tumuli nyemplungake kayu lan kurbane ing banyu, banjur ndedonga. "Dhuh PANGERAN YEHUWAH, Paduka mugi karsaa miyarsakaken kawula, supados bangsa punika mangertos, bilih Paduka punika PANGERAN YEHUWAH."



17

Bareng wong-wong weruh iku, banjur padha sesambat: "PANGERAN YEHUWAH, Panjenengané niku Gusti Allah!" Nabi Elia banjur ngandika, "Cekelen nabi-nabi Baal kuwi. Aja ana sing nyingkir." Elia nindakake apa sing kudune ditindakke Raja Akhab mbiyen. Dhèwèké mateni nabi-nabi palsu.



19

Banjur genine PANGERAN YEHUWAH nyamber. Ngobong sapi lan kayune. Banjur ngobong misbah watu!



18

Abdine Gusti Allah banjur ngandhani Akhab nek udan bakal teka. Ora let suwe katon mega cilik. Apa ana udan? Sawise luwih saka telung taun kahanan garing lan kurang banyu?



20





Ora let suwe,  
langite dadi ireng  
mendhung lan angin,  
banjur udan deres.  
Gusti Allah paring  
udan. Gusti Allah  
nduduhke nek Elia  
ngandhakake sing  
bener marang wong-  
wong. Gusti Allah  
nduduhke nek  
Panjenengané Gusti  
Allah sing sejati.

21



Apa menurutmu Raja  
Akhab ngurmati Gusti  
Allah lan abdine Elia?  
Ora! Malah, Izebel  
nyoba mateni Elia,  
nanging dhèwèké lolos.  
Pungkasane, Akhab mati  
ing perang lan para abdi  
padha nyurung Izebel  
saka tembok dhuwur ing  
kraton. Dhèwèké nabrak  
watu ing ngisor lan mati.

22



Apa sing dialami Elia? Ing  
sawijining dina Gusti Allah  
ngutus kreta geni karo jaran  
geni; lan Elia, abdine Gusti  
Allah, minggah ing swarga  
nganggo prahara.

23

Crita saka Pangandikané Gusti, Kitab Suci

bisa digolèki ing

1 Para Raja 17-19, 2 Para Raja 2

"Kawedharipun pangandika Paduka punika  
madhangi". Jabur 119:130

24

Crita Kitab Suci iki nyritaaké bab Gusti Allahé awaké dhéwé sing luwar biasa,  
sing nitahaké kita kabèh, sing ngersaaké supaya kowé wanuh marang  
Panjenengané.

Gusti Allah pirsá yén awaké dhéwé wis nglakoni prakara sing èlek-èlek, sing  
disebut déning Gusti Allah, dosa. Ukumané dosa iku pepati, nanging Gusti Allah  
banget olèhé ngasihi marang kowé, mula ngirim Putrané Ontang Anting, utawa  
Putra sing ora ana Tuggale, asmané Yésus, supaya séda disalib. Yésus diukum  
sebab dosa-dosamu. Banjur Gusti Yésus wungu manèh saka séda lan kondur  
menyang Swargal! Yen kowé pracaya marang Gusti Yésus lan nyuwun pangapura  
tumrap dosa-dosamu, Panjenengané bakal maringi pangapura! Panjenengané  
bakal rawuh lan urip nang atimu saiki uga, lan kowé bakal urip bareng  
Panjenengané saklawasé.

Yen kowé percaya yen iki bener, mara matura marang Gusti mengkéné:  
Gusti Yésus ingkang kawula tressnani, kawula pitados bilih Paduka punika Gusti,  
lan sampun manjalma dados manungsa supados séda kanggé nyirnaaken dosa-  
dosaa kawula, lan sakpunika Paduka sampaun gesang malih. Mugi rawuhua ing  
gesang kawula lan apuntenana sedaya dosa kawula, supados kawula nggadhai  
gesang énggal ing wekdal punika, lan bénjang badhé sesarengan kaliyan Paduka  
salaminipun. Mugi mitulungi kawula supados saged tansah mbangun turut  
dhumateng Paduka sarta gesang kagem Paduka, dados putra Paduka. Amin.

Macaa Kitab Suci lan geguneman karo Gusti Yésus saben dina! Yohanes 3:16

26

Cunthel



60

25

24